

地 510
142
三 1-8

卷首

序 銜名 目錄
凡例 命令

天文志

星野說 井宿圖
鬼宿圖 祥異附

輿地志 上

疆域總圖 疆域分圖
沿革 邊界
形勝 山川

輿地志 下

風俗 方言附 物產
古蹟 陵墓附

朔方道志

卷首
卷一
卷二
卷三

朔方道志

馬福祥書



朔方道志序

朔方名稱至古詩所謂王命南仲往城于方方朔方也漢統於北地郡分治之處是曰寧夏寧夏之見于史此爲權輿經魏晉隋唐迄今迭置郡縣民國三年復改甯夏郡爲朔方道公羊傳名從主人至是始還其舊矣其地左河右塞形勢險固屹然西北重鎮風俗敦龐物產闐溢鹽池石油天然之利淵嶽雄深代生偉人文德旣懋武功特著宜乎志乘流傳炳焉煥焉自明藩慶靖王勅修朔方志于前乾隆朝張守金城續修甯夏府志于後當時董其役者何嘗不撫採故實網羅散佚蔚爲一代成書兵燹游更殘闕失次致使采風之使攷古之儒不免感歎于杞宋無徵文獻不足余用滋懼癸丑歲以護軍使兼甯夏將軍駐節鄉邦俯仰今昔廢興之陳迹爽然有懷乃亟商之道尹陳君必准設局纂修

功未及竟余旋調綏遠都統幸從子鴻賓繼任鎮使猶得與陳君賡續不懈一時局中在事之員亦能殫心經營初終無間舊志之所不備則採新通志以輔之又雜取他書以參證之書成名之曰朔方道志計分類者十分卷者三十有二經始于丁巳告歲于丙寅首尾十年用力可謂勤且瘁矣而於百數十年之後復值灰燼廢壞之餘所見異詞所聞異詞所傳聞又異詞其僅有可考者補苴掇拾略大概已耳謂能詳慎無遺備一方之掌故匪惟諸君子之所不敢自信抑亦余所躊躇却顧而不能不深望於後人之摘其疎謬增益而訂正之也

中華民國十五年丙寅夏歷六月望日馬福祥書於京寓



朔方道志序

粵稽上世王朝有書列國有紀載筆有官所以觀風而問俗也迨至後代事更加詳國有史家有乘而一省一郡一邑莫不有志焉以誌其事志之義詳矣寧夏古爲朔方郡星分井鬼地接蒙疆居塞北而號江南背賀蘭而面黃水萬山聳翠百派匯流以故晉之勃勃唐之師都宋之元昊胥欲竊此以自逞焉洎夫有明套虜屢犯烽臺之置邊牆之築防範幾無虛日前清懷柔得宜夷情帖服至我民國各旗軍務均歸節制始不啻胡越一家矣溯自明藩慶靖王勅修朔方志後巡撫王珣楊守禮楊應聘相繼續修年湮代遠書皆失傳致數千年之流風善政文物典章若存若沒殊可惜矣清乾隆四十五年郡守張公金城續修寧夏府志秉筆者爲朔邑進士楊君子瀛窮源竟委考核精詳兵災之餘亦

鮮完帙迄今又一百三十餘年矣雖山川猶是風物依然然而其間建置官師之異賦稅教養之殊人文武功之代興忠孝節義之間出歷年既久半卽銷沉民國肇興制度更易府州之稱謂已非兵官之體制又別當此改革之時代猶忍令杞宋之無徵以後雖有好學之士稽古之儒恐亦徒費漁郎之過問矣民國丁巳護軍使馬公雲亭道尹陳公三洲殷殷焉以修志是亟聘朔邑舉人吳君心齋以主任之未幾吳君物故其事遂寢甲子之臣重遊來寧時馬公已調任綏遠都統陳公以之臣前在靈州續修州志頗能耐勞商鎮守使馬公子寅命之以繼其任檢閱前稿半係照抄前清光緒季年所修甘肅通志其自宣統至今多未之及不無闕點竊思志體郡與省不同一省事緒甚繁自應刪蕪就簡一郡事務較少惟恐語焉不詳特未可以文獻無徵糅雜夫行間字裏

此郡志之體也劉君鶴泉深以爲然復經梁君善卿馬君子良照擬修志目錄從新調查於甲子五月朔日設局治事夫志史事也自非才大學博且能洞悉夫地方之人情風俗何敢率爾操觚况寧夏邊塞之區藏書既寡兵燹之後摺卷盡亡各屬志乘如朔邑之朔方志稿靈州之續修志稿非缺卽遺中衛志修自道光後此亦未續修鎮戎鹽池志剏修伊始亦只言其大略此外如寧夏平羅金積則未之聞焉人往風微抱殘守缺蟻負千鈞其有不躓且顛者鮮矣所賴吳孝廉心齋倡之於前劉鶴泉楊葆卿諸君子勸之於後從開闢修起訖於民國十四年以舊府志爲主新通志爲輔並參考他書暨新採訪以增益之分門別類正譌訂訛閱十九月而功始竣成書三十二卷以前明迭修朔方志且寧夏近改朔方府已改道因名之曰朔方道志雖然之臣竊有說焉孟

子述孔子之言曰知我者其惟春秋乎罪我者其惟春秋乎孔子作春秋以非在位而擅褒貶其意因未自安也此固非所比倫然以局外而參局中之議且從百餘年之後而欲續叙百餘年以上之事其中之是非非善善惡惡而謂胥能得情理之正且無遺軼之虞可備邦人士之徵信焉此亦非之臣之所敢必而理得心安者也知我罪我又不禁誦孔子之言而翻然悔惕然懼矣是爲序

民國十四年乙丑夏歷良月朔日

五等金質單鶴章前任命鹽池縣知事楚瀉王之臣敬書

舊寧夏府志後序

寧夏乃漢朔方地闢土舊矣而前世紀載無成書明藩慶靖王始爲朔方志越宏治辛酉巡撫王公珣修之郡人胡大司馬汝礪筆也其後嘉靖己亥巡撫楊公守禮重修管給諫律實主其事萬歷丁巳都御史楊公應聘又修楊主事壽裁訂焉皆郡人也自是而後續者無聞天崇之間僅編奏記數篇國朝順治初唐采臣先生以戶部主事督餉來此得遺文數首因與中丞黃公奏議附刻於後朔方舊志如是而已乾隆癸酉寧夏道定州楊公有志欲新之未成而罷其後太守新安王公甫議修舉以調任去又其後朔邑令長沙周公爲朔縣志稿就未刊亦以遷任去嗚呼何其事之難如斯耶豈其一書之成亦自有待於其時與其人而不可強者耶今太守公任事之三年政通人和百度修舉爰及斯

志命雲等相與編纂而公裁定焉舊志之繁詳本朝之制度稽之列史以補缺漏衷之通志以一體裁徵考之於案牘以著因革之由探詢之於閭閻以彰幽隱之跡於是一州四邑方數千里之地二百餘年間之事披卷瞭然可指諸掌矣夫寧夏自震災後故家藏書世牒與鄉先賢之撰述灰燼之餘十不存一使早得搜羅於數十年之前必尤有炳如蔚如可觀者然使非遇太守公卓識宏材毅然構此更聽之數十百年後并今紀錄且泯滅不可考此亦勢之必然者然則太守公此舉其於我寧文獻爲功豈淺鮮哉抑雲更有感焉憶雲始受書即聞諸先輩以郡志不修爲憾定州楊觀察始創修時先伯父信菴以明經與參訂長沙周邑宰修朔邑志又委之以採訪而二書皆不就今荏苒二十餘年雲得沐太守公雅化復與編輯續先人未竟之志而卒觀此書之成附

名其間且感且愧因述其源委贅於簡末用以見斯書之成實有待於
我太守公既爲邦人慶並以志私幸於無窮也王宋雲謹跋

修志銜名

主修

一等大綬文虎嘉禾章陸軍上將銜勳二位西北邊防會辦馬福祥

二等大綬文虎嘉禾章上大夫銜朔方道道尹陳必淮

監修

二等大綬文虎嘉禾章陸軍中將勳四位寧夏鎮守使馬鴻賓

纂修

五等金質單鶴章前任命鹽池縣知事王之臣

前纂修

清舉人前夏朔縣議會議長吳復安

幫纂修

清貢生考試職員前夏朔議會議長劉振清

清舉人寧朔縣初級中學校校長楊泰

同纂修

清寧夏駐防協領鎮守使多署書記官景琪

清貢生師範學校兼中學校校長徐宗孺

清貢生師範學校兼中學校教員許景魯

清拔貢師範學校兼中學校教員鄧雲路

清貢生前省議會議員喬熙

清拔貢補用州判前夏朔縣議會議長李斌

清拔貢蔡之璧

調查

清拔貢前夏翔縣議會議長梁生祥
 清附生前夏翔縣議會議副議長馬德
 清貢生漢延渠局長于鎔
 清補用游擊惠農渠局長吳成基
 採訪

清附生王本立
 清附生李培源
 清舉人朗察
 清附生張虎榜
 清舉人劉佩灃
 清舉人蔣飛熊

朔方道志 卷首一 修志銜名 七 天津華泰印書館代印

師範學校畢業生張光普
 師範學校畢業生王啓監
 清貢生靈武第一高級小學校校長柴維棟
 清貢生吳定邦
 清拔貢前靈武勸學所長李鳴鷺
 清拔貢景耀光
 畢業生金積高級小學校校長雷金龍
 清貢生鎮守使署書記官劉炳
 清貢生鹽池高級小學校校長聶從善
 清貢生
 清貢生

圖畫

清附生師範學校兼中學校教員黃光質

薦任職大清渠局長殷邦德

翔方道署教育科科員張良桂

繕寫

翔方道署庶務科科員彭鼎

翔方道署實業科科員陳捷助

校對

翔方道署庶務科科員彭鼎

收發

翔方道署財政科科員長陳必炎

朔方道志目錄

卷首 序 銜名 目錄 凡例

命令

卷之一

天文志 星野說 井宿圖 鬼宿圖 祥異附

卷之二

輿地志上 疆域總圖 疆域分圖 沿革 邊界 形勝 山川

卷之三

輿地志下 風俗 方言附 物產 古蹟 陵墓附

卷之四

建置志上 城池并圖 公署并圖

朔方道志

卷首 目錄

九

天津華泰印書館代印

卷之五

建置志下 壇廟 寺觀附 堡寨 關梁 倉庫 警察 郵政 電政

卷之六

水利志上 河渠源流 渠道建置

卷之七

水利志下 渠工則例 渠務格言

卷之八

貢賦志上 賦則 額徵

卷之九

貢賦志下 鹽法 茶法 錢法 統捐 雜稅 戶口附

卷之十

學校志 學宮 書院 試院 學額 社學義學 學田 學校

卷之十一

兵防志 兵制 防地 營盤

卷之十二

職官志 一 明代官制 明藩制附 清代官制 民國官制

卷之十三

職官志 二 歷代職官表 民國職官表

卷之十四

職官志 三 宦蹟上

卷之十五

職官志 四 宦蹟下 客官附

朔方道志 卷首 目錄

十

天津華泰印書館代印

卷之十六

人物志 一 鄉宦

卷之十七

人物志 二 學行 孝友

卷之十八

人物志 三 選舉

卷之十九

人物志 四 忠義

卷之二十

人物志 五 節烈上

卷之二十一

人物志六 節烈下

卷之二十二

人物志七 耆壽 流寓 隱逸 技藝 釋道

卷之二十三

人物志八 任俠 殉難

卷之二十四

藝文志一 公牘

卷之二十五

藝文志二 記序上

卷之二十六

藝文志三 記序中

朔方道志 卷首 目錄

十一

天津華泰印書館代印

卷之二十七

藝文志四 記序下

卷之二十八

藝文志五 議說 書傳 銘贊 頌歌

卷之二十九

藝文志六 賦詩 歌詞

卷之三十

志 餘上 歷史上

卷之三十一

志 餘下 歷史下 蒙古世系 軼事 著作

朔方道志

凡例

一寧夏自明藩慶靖王創修朔方志後巡撫王珣楊守禮楊應聘相繼續修書皆失傳清乾隆四十五年知府張金城修寧夏府志兵燹之餘亦鮮完帙茲集以舊府志爲主新通志爲輔並參考他書暨新採訪以增輯之名之曰朔方道志

一舊府志爲總目八固已綱舉目張但今昔攸殊若僅照舊志續輯闕漏必多今仍從開闢修起訖於民國十四年爲總目十日天文曰地理曰建置曰水利曰貢賦曰學校曰兵防曰職官曰人物曰藝文總目之下隸以子目依類相從其歷代事實之未能聯屬者另列志餘一門以期完備查府志通志均以綸音列之卷首以示統於一尊茲

仿擇開國命令數則謹冠諸首不入總目者昭崇敬也

一總目統子目既於總目之首各用弁言復或於子目加以小引或於篇尾跋以論說者此亦班書提綱索隱述贊之義其志內向來沿訛襲謬或徵引未全則悉本通志並參考他書添補更正或加按語以明之總期擇精語詳而免舛錯

一寧夏自秦漢以降名稱不一載在沿革至前清爲寧夏府控靈州甯夏甯朔中衛平羅一州四縣同治十一年增置寧靈廳民國二年改金積縣又以靈州改靈武縣花馬池分州改鹽池縣又鎮戎舊爲平遠縣隸固原直隸州民國二年易名鎮戎改隸寧夏裁府缺改寧夏分巡兵備道爲朔方道計一道八縣稱謂既殊版圖又廓其一切因革損益均不無今非昔是之殊自不得不循名核實條分縷析以期



一目了然

一阿拉善鄂爾多斯烏審三旗地之近寧夏者軍務歸寧夏節制是東西兩蒙近均在寧夏範圍之中但該兩蒙向歸自治政教不同故集中僅叙邊界世系風俗及建築營棚等事其山川形勝建置職官人物概未詳叙

一天文舊志隸於輿地律以分野之義尙非刺謬但三才自有定位通志列之首冊當矣惟近來新學家言星野之說不無穿鑿亦曾言之然太白入東井自古有占驗之者天道遠而人道邇鄭子產已有明言爰全錄舊志而以新說附之以俟後來深於天文者考正焉

一輿地建置均關緊要舊志於輿地城池祇列總圖未免太略茲仿通志例於總圖外各繪分圖并列篇首以便查對衙署則祇於鎮道法

廳三署各繪一圖他屬略之以限於尺幅未克從詳故也至山川形勝物產等事關乎輿地堡寨橋梁等事關乎建置各以類從毋庸贅述

一祠祀通志另爲一門在前代以祀戎爲國大事固不得不列專門惟自民國革命孔祀亦幾議廢何況其他茲仍照舊志列入建置警察通志列入兵防然其始意設科警以汰書差似屬行政範圍以內之事因并入建置

一舊志水利貢賦均隸輿地查天下黃河富寧夏是河渠爲寧民命脈且每歲費修以億萬計其興作之期間開水之遲早物料之攤派均有一定章程罔敢逾越至賦稅維正之供爲人民應盡義務其中荒墾增減代有不同若非詳爲登載後此何所考查茲并爲分列以昭

詳悉

一學校爲造就人才之地夏曰校殷曰序周曰庠其義一也近歐瀛各國以學校之多寡覘國勢之盛衰幾如無事不學無人不學中國京師設教育部省設教育廳學校之在今日似尤爲立國最重之點舊志列入建置未盡合宜茲照通志另爲一門

一兵防所以保衛地方安寧秩序文事武備相輔而行前明寧夏置兵最多分駐邊塞謂之擺邊清改綠營民國改練新軍制雖不同其保護地方人民則一舊志附於武職亦未合宜茲并照通志另爲一門

一職官姓氏自乾隆四十五年後百有餘年旣題名之多疏亦兵燹之迭遇同治一役擋卷盡失而耆老之流離得歸故土者又什不獲一非獨難查實無可查也茲文職照通志至州縣止武職照舊府志至

參游止其中多由通志採入蓋同治之役省城未陷卷尙完全差可徵信也至官制則斷自有明始宋元以前僅存髣髴自當付之杞宋無徵之列

一職官人物之可入傳者唯分年代先後不論文武官階免繁瑣也但必其人本有可傳且必人已去世蓋賢否宜分亦蓋棺乃論定也通志以宋之張俊陷害忠良擯不入傳現在名人恐涉標榜概不立傳深得古人守正不阿之意茲本此以爲去取焉

一選舉科舉姓氏在舊志前卽多缺略乾隆以降屢遇兵燹光緒季年學官又廢更屬無可查考茲照通志科舉至副拔優三貢止至民國議員投票則另爲選舉之一例學校畢業又新開選士之一端此亦因時制宜之道舊志以選舉科舉列入人物今從之

一舊志以鄉宦儒林總名鄉獻自爲合宜但其中究有分別昔人有言行道者君相明道者師儒道不明則道何以行是師儒其首重矣茲以鄉宦爲一目而於士之學問醇正品行端方者另爲學行一目以爲後之矜式其餘則悉照舊志未敢另立名目過爲區別致滋方人之誚

一孝友忠義所以維綱常勵風化罔敢或遺但必擇其事實可據不得以空談虛譽致失不經至節婦例以年未三十守節及守節過三十年者爲限其守節未及三十年而身故者亦在旌表之列無論已旌未旌均應入志其耆壽流寓隱逸方技釋道任俠亦紀載家所不廢附以殉難慰幽魂也

一藝文雖爲表章人文之盛然必有關於世道人心及山川形勝而詞

復雅馴者方可分類選入一切流連風景華靡綺麗之詞概置不錄

一志餘紀事提綱用單行叙事用雙行以便觀覽

一志自有體裁雖義主紀事而宜雅正一切時新語未敢屢入

一志又宜簡括然應有者亦須盡有至文獻無徵則從史闕文之例

一志以朔方道名者明慶王創修朔方志是宜於古也民國改寧夏爲朔方道並宜於今也

一寧夏既改朔方集中寧夏字均應改朔方字方合體裁惟名稱已久其中因有未能遽易之處閱者諒之

一圖畫計里定方附各圖未其餘城池用□堡寨用○路用、水用、山用、川用、長城用、沙漠用、寺用、關用、界綫用、以爲標識